

Nakon provedene procedure otvorenog postupka na način i po postupku predviđenom odredbama Zakona o javnim nabavkama BiH, zaključuje se

## **U G O V O R**

### **O KUPOVINI KANCELARIJSKOG I HIGIJENSKOG MATERIJALA**

između:

**JAVNE USTANOVE "APOTEKE SARAJEVO"**, Sarajevo, ul. Kranjčevićeva 29, koju zastupa generalni direktor Nedim Hrelja mr.ph. MBA (u daljem tekstu Kupac)

i

**R&S d.o.o.**, Vogošća, , ul. Igmanska bb, ID: 4200056290005, koje zastupa direktor Selmanagić Kemal, (u daljem tekstu Prodavac )

#### **I PREDMET UGOVORA**

##### **Član 1.**

Predmet ovog ugovora je nabavka kancelarijskog i higijenskog materijala po 4 ( četiri ) LOT-a, i to:

LOT 1: Potrošni kancelarijski materijal

LOT 2: Higijenski potrošni materijal

LOT 3: Ading role

LOT 4: Kancelarijsko-tehnički potrošni materijal.

Prodavac prihvata da će isporučiti Kupcu robu koja je predmet ugovora, po vrstama i količinama na osnovu dogovorene dinamike, u skladu sa:

- Ponudom broj 2000-1/20 od 28.02.2020. g. za Lot 1, koja je sastavni dio ovog ugovora;
- Ponudom broj 2000-2/20 od 28.02.2020. g. za Lot 2, koja je sastavni dio ovog ugovora;
- Ponudom broj 2000-3/20 od 28.02.2020. g. za Lot 3, koja je sastavni dio ovog ugovora;
- Ponudom broj 2000-4/20 od 28.02.2020. g. za Lot 4, koja je sastavni dio ovog ugovora.

##### **Član 2.**

Cijena roba iz člana 1. ovog Ugovora iznosi:

- Za LOT 1: 21.500,00 KM bez PDV-a
- Za LOT 2: 17.648,68 KM bez PDV-a
- Za LOT 3: 11.355,00 KM bez PDV-a
- Za LOT 4: 5.550,00 KM bez PDV-a

Cijene navedene u ponudama naznačenim u članu 1. se neće mijenjati za vrijeme trajanja ovog ugovora.

## II KOLIČINA ROBE

### Član 3.

Količine robe koje su predmet ovog ugovora naznačene su u ponudama broj:

- 2000-1/20 od 28.02.2020. g. za Lot 1
- 2000-2/20 od 28.02.2020. g. za Lot 2
- 2000-3/20 od 28.02.2020. g. za Lot 3
- 2000-4/20 od 28.02.2020. g. za Lot 4.

Kupac zadržava pravo izmjena navedenih količina, u zavisnosti od potreba.

## III ROK I NAČIN ISPORUKE

### Član 4.

Prodavac se obavezuje da će Kupcu isporučivati robu iz člana 1. ovog ugovora FCO skladište Kupca, u roku od 7 (sedam) dana od dana narudžbe.

Prodavac će Kupca blagovremeno obavijestiti o prispjeću isporuke.

Prodavac je obavezan da Kupcu nadoknadi štetu zbog neblagovremene isporuke robe koja je predmet ovog ugovora, izuzev u slučaju više sile, poremećaja na tržištu, razloga koji je skrivio kupac i drugih okolnosti na koje prodavac nije mogao da utiče, kao i nastalu štetu zbog neisporučene količine robe koja je poručena.

### Član 5.

Prodavac se obavezuje da će u skladu sa ovim ugovorom i priloženom specifikacijom, isporučivati robe koje su predmet ovog ugovora Kupcu sukcesivno i sa mogućnošću parcijalne isporuke u manjim količinama.

## IV KVALITET ROBE

### Član 6.

Prodavac garantuje da će Kupcu isporučiti cjelokupne naručene količine roba koje su predmet ovog ugovora odgovarajućeg kvaliteta, u skladu sa specifikacijom, u protivnom, Prodavac je obavezan da Kupcu naknadi pretpjelu štetu.

## V KVALITATIVNI I KVANTITATIVNI PRIJEM

### Član 7.

Kupac će vršiti kontrolu kvaliteta kod preuzimanja kancelarijskog i higijenskog materijala. Reklamacija na isporučeni kvalitet robe se mora pokrenuti najkasnije do 7 dana od momenta prijema robe.

### Član 8.

Svaku pojedinačnu isporuku kancelarijskog i higijenskog materijala prati određeni dokument (otpremnicu), koji mora biti propisno ispunjen i ovjeren od strane Prodavca i Kupca.

Dokument iz stava dva ovog člana čini sastavni dio fakture.

### Član 9.

Kvalitet isporučene robe Kupac utvrđuje prilikom prijema, uz prisustvo predstavnika Prodavca, na uobičajeni način.

### Član 10.

Ako prilikom prijema robe koja je predmet ovog ugovora, Kupac utvrdi eventualnu razliku odnosno određene nedostatke, ugovorne strane prihvataju da se takav slučaj riješi na sljedeći način:

- Kupac je obavezan da eventualni reklamacioni postupak na količinu isporučene robe pokrene najkasnije tri (3) dana od prispjeća iste na skladište Kupca;
- Prodavac se obavezuje da uzme u postupak sve eventualne reklamacije prijavljene od strane Kupca po svakoj pojedinačnoj isporuci.

## VI NAČIN I ROK PLAĆANJA

### Član 11.

Za isporučenu robu iz člana 1. ovog ugovora Prodavac odobrava Kupcu odloženo plaćanje na šezdeset (60) dana od dana zaprimanja fakture i pod uslovom da nije bilo reklamacije od strane Kupca.

Uplata se vrši na transakcijski račun Prodavca naznačen na fakturi.

## VII SAOPŠTENJE I REKLAMACIJE

### Član 12.

Ugovorne strane su saglasne da će se međusobno informisati o svim bitnim elementima koji su od značaja za realizaciju ovog ugovora.

Svaka strana zadržava pravo da u roku od tri dana, računajući od dana učinjene povrede odredbi ovog ugovora, uloži prigovor drugoj strani.

### Član 13.

Pravo prigovora, odnosno reklamacije, naročito se odnosi na slučajeve:

- isporuke naručene robe neodgovarajućeg kvaliteta,
- neblagovremene isporuke robe,
- isporuke naručene robe u neodgovarajućoj količini,
- neblagovremene najave,
- neblagovremenog izmirenja obaveza i
- u drugim opravdanim slučajevima.

## VIII TRAJANJE UGOVORA

### Član 14.

Ovaj ugovor se zaključuje na period od 01.04.2020. do 31.03.2021. godine.

## IX PRELAZNE I ZAVRŠNE ODREDBE

### Član 15.

Ukoliko u toku trajanja ovog ugovora dođe do bilo kakvih promjena u nazivu ili drugim statusnim promjenama ugovornih strana, tada će sva prava i obaveze ugovorne strane kod koje dođe do takve promjene, preći na njegovog sljedbenika.

### Član 16.

Za sve što nije predviđeno ovim ugovorom primjenjuju se odredbe Zakona o obligacionim odnosima i drugih pozitivnih propisa.

Ugovorne strane su saglasne da je u rješavanju eventualnog spora nadležan Sud u Sarajevu.

**Član 17.**

Ugovorne strane su saglasne da do raskida ovog ugovora može doći na pismeni zahtjev jedne od ugovornih strana, sa otkaznim rokom od 30 dana.

**Član 18.**

Ovaj ugovor je sačinjen u 4 (četiri) istovjetna primjerka od kojih po dva primjerka zadržava svaka ugovorna strane.

JU „Apotheke Sarajevo“  
Nedim Hrelja mr. ph. MBA  
Generalni direktor

R&S d.o.o.  
Selmanagić Kemal  
Direktor

.....  
Broj: 01-03-959/20

.....  
Broj: ,

Sarajevo, 31.03.2020. godine

